

դէպի Ձանգեղուրի սահմանները, ամբարնալ թթու Ջրի բարձունքներում եւ սպասել նոր կարդադրութեան:

Աղբրէյջանի կառավարութեան որոշումների մասին, Կ. Կոմիտէն յայտնում է Ինքնապաշտպանական Մարմինն եւ առաջարկում է Շուշի անցնիլ՝ խորհրդակցելու:

Ինքն. Մարմնի անդամներից Ա. Ա.-ն եւ Խ. Մ.-ն, դադարի անցնում են Շուշի եւ Կ. Կոմիտէի հետ խորհրդակցելուց եւ մանրամասն տեղեկութիւններ իմանալուց յետոյ վերադառնում են Խժաբերդ^{*)} գիւղը ու Ինքն. Մարմնի յատուկ ուսերհանդակի միջոցով Հոկտեմբեր 29-ին ծածկադիր նամակով, յայտնում են Ձանգեղուրի իշխանութեանը, Ա. Շ.-ին, Աղբրբէյջանի զօրքերի քանակի, դասաւորման եւ նոյնիսկ թէ երբ պիտի յարձակողականի դիմեն:

Սուրհանդակը անփորձ տեղ հասնելուց յետոյ, Կոռինձոր գիւղից կրակներ պիտի ցոյց տային:

Խժաբերդին մօտիկ բլուրից պարզ երեւում է Ձանգեղուրի Կոռինձոր գիւղը. իսկ եթէ դիւղից դէպի ձախ մի հարիւր քայլի վրայ դանդաղ ստոր բարձրանաք, այն ժամանակ ամբողջ Ձանգեղուրն է ձեր աչքի առաջ:

Սուրհանդակը նոյն երեկոյեան անփորձ հասնում է Կոռինձոր գիւղը եւ կրակներ են ցոյց տալիս:

Ինքնապաշտպանական Մարմնի անդամները, այլեւս չեն սպասում սուրհանդակի վերադարձին ու անցնում են Վարանդա՝ իրենց աշխատանքները շարունակելու:

Կ. Կոմիտէի եւ Ինքնապաշտպանական Մարմնի կատարած այդ աշխատանքը, մեծ նշանակութիւն է ունենում Ձանգեղուրի համար, որովհետեւ մինչեւ այդ տեղեկութիւններ ըստանալը, նա խոր քնի մէջ է լինում:

Ճիշդ է, Հայաստանի Հանրապետութիւնը որոշ տեղեկութիւններ յայտնել էր, որ Աղբրբէյջանը պատրաստութիւնների մէջ է, բայց հաստատ չգիտէին թէ ե՞րբ եւ ո՞ր ուղղութեամբ պիտի շարժուին նրանց զօրքերը:

*) Խժաբերդ գիւղը Դիզակի արեւմտեան չրջանումն է եւ սահմանակից է Ձանգեղուրին:

Ինքն. Մարմնի եւ Կ. Կոմիտէի տուած տեղեկութիւններից յետոյ միայն, Ձանգեղուրը դասաւորում է իր ուժերը եւ պատրաստ վիճակում սպասում է Աղբրբէյջանի յարձակումներին:

Երկու մարմինների տուած տեղեկութիւնները, ճշտութեամբ կատարւում են: Աղբրբէյջանի մեծաքանակ զօրքերը՝ ութից-տասը հազար, Հաջի Սամուրի քրդերը՝ Սուլթան բէկ Սուլթանովի գլխաւորութեամբ, գնեւրալ Շիխլինսկու հրամանատարութեամբ, Նոյեմբեր 4-ին 1919 թիւ, չորս ուղղութեամբ՝ Կոռինձորի, Ջաբուղի, Խոննավարի, յարձակւում են Ձանգեղուրի վրայ:

Կոռը տեւում է երեք օր: Թշնամին առաջին եւ երկրորդ օրը յաջողութիւններ է ունենում, բայց երրորդ օրը շարժուելով փախուստի ճամբան է բռնում:

Ձանգեղուրի կառավարութիւնը եւ հրամանատարական կազմը այդտեղ մի թեթեւ վրիպում են կատարում: Փոխանակ թշնամուն հետապնդելու եւ նրա թողած ռազմաթեքը ու թնդանութները գրաւելու, բաւականանում են երկրի սահմանները ամբապնդելով:

Աղբրբէյջանի զօրքերը յաղթուելով, խուճապի են մատնւում եւ տարբեր ուղղութիւններով ցրւում:

Նրանից շատերը, Քիրս լեռան փէշերով անցնում են Դիզակի չրջանի հայկական գիւղերը, զէնքերը յանձնում են գիւղացիներին եւ խնդրում են իրենց ճանապարհ տալ՝ դաշտային մասը անցնելու. իսկ միւս մասը նահանջում է խճուղիով դէպի Ասկեարան եւ կոտորում է ճամբին պատահած անդէն հայ գիւղացիներին, որոնք մթերք էին տանում Շուշի ծախելու:

Աղբրբէյջանի այս մեծ անյաջողութիւնից յետոյ, Ղարաբաղում ստեղծւում է անիշխանութիւն: Թաթար աւազակային խմբերը աւելի են կրկնապատկւում ու ալան-թալանի մատնում հայկական չրջանները: Նրանք իրենց համար երգ էին հիւսել:

1. Գարս չեօրաֆ եյարամ,
2. Ղարաբաղդան չըխմանամ,
3. Ձանգեղուրա գէք-մանեամ,
4. Ձարուղ չայը քէչմեանեամ: